



შირაკი

SHIRAKI
www.opentext.ge

გამოცემის 1937 წლიდან

№13 (9.529)

20 აპრილი 2012 წელი

ფასი 50 თეთრი

ყოველკვირეული გამოცემა

ჰერეთში... ორი საუკუნის უამბობ

ძირკველ ქართველებს აღდგომის ბრწყინვალე დღესასწაული აინისკოვსა მიულოცა



15 აპრილი ძირძველი ქართველებისთვის ისტორიულ თარიღად და უფლის აღდგომის ბრწყინვალე დღესასწაულთან ერთად უდიდესი სიხარულის აღმნიშვნელ მოვლენად იქცა.

ორი საუკუნის შემდეგ ისტორიულ ჰერეთში სააღდგომო წირვა ხორნაბუჯისა და ჰერეთის ეპარქიის ეპისკოპოსმა მეუფე მელქისედეკმა ჩაატარა. სააღდგომო ლიტურგიას მთელი

ჰერეთის მართლმადიდებლობა დაესწრო. თითქმის ყველა სოფლიდან მოვიდა მრევლი კახის წმინდა გიორგის სახელობის ეკლესიაში, სადაც ასეთივე ხალხმრავლობა შეინიშნება ყო-

ველ წელს, გიორგობის დღესასწაულზე.

მეუფე მელქისედეკი:

—„1811 წელს რუსეთმა საქართველოს ეკლესიის ავტოკეფალია გააუქმა. საქართველოში სულ ხუთი მღვდელმთავარი დარჩა და, ბუნებრივია, საინგილოში წირვას ვერავინ აღასრულებდა. 2 საუკუნე გავიდა, რაც ჰერეთში სააღდგომო წირვა არ ჩატარებულა. აღსანიშნავია, რომ მიუხედავად იმისა, აქ მუსლიმური სამყაროა, მთელ ღამეს ისმოდა ქრისტიანული ზარების რეკვა და მიმდინარეობდა ლიტანიობა“.

ამჟამად ისტორიულ ჰერეთში ორი მოქმედი ტაძარია — კახის წმ. გიორგისა და წმ. ნინოს სახელობის. მეუფე მელქისედეკის ინფორმაციით, უახლოეს მომავალში, ჰერეთის უკიდურეს აღმოსავლეთში, სოფელ ქოთოქლოში ყოვლადწმინდა სამების სახელობის ტაძრის მშენებლობა იგეგმება. მესამე მოქმედი ეკლესია დადებით როლს ითამაშებს და ხელს შეუწყობს საზღვრის იქით დარჩენილ ჩვენს თანამემამულეებს, შეინარჩუნონ და განამტკიცონ საუკუნეების მანძილზე შემონახული სარწმუნოება და ქართული ტრადიციები.

ინგა შიოლაშვილი

2012 წელს დაგეგმილი სამუშაოები სოფელ არბოშიკსა და ოზანში

მიმდინარე წელს სოფელ არბოშიკისთვის ადგილობრივი ბიუჯეტიდან 203 100 ლარია გამოყოფილი. აღნიშნული თანხით დაგეგმილია სოფლის ცენტრის კეთილმოწყობა, კულტურის სახლის მიმდებარე ტერიტორიაზე არსებული მესერის, მგზავრთა მოსაცდელის, საბავშვო ბაღის ამორტიზირებული მესერის, სამუსიკო სკოლის სახურავის და ჟოლობების რეაბილიტაცია; გარე განათების და სოფლის ერთ უბანში წყაროს წყლის ქსელის მოწყობა, ასევე, შიდა ასფალტისაფარიანი გზების სრული რეაბილიტაცია.

სოფლის დახმარების პროგრამით ამ სოფელში 2012 წელს 44 193 ლარი დაიხარჯება, მოხდება შიდა საუბნო გზების, სასაფლაოსთან მისასვლელ გზაზე არსებული სანიტარული არხის დარჩენილი მონაკვეთის რეაბილიტაცია; თუჯის ცხაურებით მოწყობა გზაზე არსებული წყალმუქვრები არსებობს.

სოფელ ოზანში ადგილობრივი ბიუჯეტიდან 79 000 ლარი დაიხარჯება. სოფლის საჯარო სკოლაში 4 ნერტილზე მოწყობა საპირფარეო, მოხდება შიდა გრუნტოვანი გზების და გედიქის წყალსაქანიდან სოფელში მიმავალი სადამწვევო მილის რეაბილიტაცია.

სოფლის დახმარების პროგრამით კი 27 631 ლარი დაიხარჯება წყალმომარაგების სისტემაზე: მოხდება სოფლის წყლსაქანიდან ცენტრალური სასმელი წყლის რეზერვუარამდე მიმავალი რკინის სადამწვევო მილის დაზიანებული მონაკვეთების რეაბილიტაცია და სოფლის ერთ უბანში შიდა ქსელის მოწყობა.

სასჯელი ერთჯერადი ურობისთვის

(გვერდმა არ იხის, დაქარაბთიანი აგენტს რა უნდა ჩააწერიოს)

58 წლის ლამარა მაღალაშვილი უკიდურეს ბაჭირვებაში ცხოვრობს. მისი სახლის ფანჯრებს მიწის ნაცვალად ალუბინის ფირფიტები აქვს აპრული. ბრონქალური ასთმით დაავადებულს ხშირად ნამწვლის შესაქმნი თანხაც არ ბაჩნია. სამი შვილის დაღაზე ეპრომოური სიღუბნის გამო შვილებიც ვერ ზრუნავენ. ის ვერც სოციალურ დახმარებას იღებს და მეზობლებსა და

ღვთის ანაბარა მიტოვებული ხელისუფლებისგან ელის შველას.

ერთი შეხედვით გამხდარი ქალი. მის სახეზე მძიმე ცხოვრების კვალი იკვეთება. ასეთივე დაღლილი გამომეტყველებით შემოდის რედაქციაში და თვალებით შევლას ითხოვს.

—რა გაგჭირვებიათ?—ვეკითხები. კითხვის დასრულებას არ მაცლის, ისე იწყებს თავისი ისტორიის მოყოლას: „წლების წინ თბილისში ვცხოვრობდი და

ფეხსაცმლის ფაბრიკაში ვმუშაობდი. მერე ცხოვრება რომ აირია, ზემო ქედში ჩამოვედი საცხოვრებლად. მეუღლე ათიწლის წინ გარდამეცვალა და უკვე 8 წელია, მარტო ვცხოვრობ. სამი შვილი მყავს, მაგრამ არც მათ აქვთ დაღმინილი ცხოვრება. ამ მიზეზით ვერ მეხმარებიან. ვაჟი, რომელიც წალენჯიხაში ცხოვრობს, მრავალშვილიანი მამაა და ძალიან უჭირს ეკონომიურად. ნეტავი, ჩემი სახლი განახათ, რა პირობებში ვცხოვრობ- ფანჯრე-

ბზე მინების ნაცვალად ალუბინის ფირფიტებია აკრული, სახლი გასალესია, იატაკი-ჩაწარდნილი. ამ ზაფხულს სამი მცურავიც შემოვიდა. ყველა მეუბნება, ამ სახლში როგორ ცხოვრობო? მაშ რა ვქნა, სად წავიდე? თუჯის კონსერვებს ვაგროვებ და ვაბარებ, დენის ფული რომ გადავიხადო. შიმშილით რომ არ მოვკვდე, პურს მეზობლები მანვდიან“—ამ ბოლოს ლამარა მაღალაშვილი და დასძენს,

(გაგრძელება 6-ე გვ.)

ლეგან ბაღაშვილი: სოფელ ფიროსმანში საბავშვო ბავშვების შექმნის მიზნით გაიხსნება



"ქალიან გამოცოცხლდა სოფელი"...



ყველაზე სანდო წყარო დედოფლისწყაროში მიმდინარე მოვლენების შესახებ!

- ახალი ინფორმაცია
 - სამართლებრივი აქტები
 - აუქციონი
 - ტენდერი - ყველაფერი მხოლოდ ჩვენთან!
- ის, რასაც სხვებთან ვერ ნაიკითხავთ!

www.dedoplistskaro.ge

რეგიონებში ევროპული სტანდარტების სანიტარული წერტილები აშენდება

ყვარელში რეგიონული განვითარებისა და ინფრასტრუქტურის მინისტრმა, რამაზ ნიკოლეიშვილმა და კახეთის გუბერნატორმა, გიორგი ღვინიაშვილმა საზოგადოებრივი სანიტარული წერტილების მშენებლობა დაათვალისწინეს. სამშენებლო სამუშაოების დათვალისწინების შემდეგ, მინისტრი ადგილობრივ შეხვედა და მათი პრობლემები მოისმინა. როგორც ნიკოლაიშვილმა აღნიშნა, საქართველოს ყველა რეგიონში ევროპული სტანდარტების 50-მდე სანიტარული წერტილი აშენდება. „საზოგადოებრივი სანიტარული წერტილების არარსებობა ანტი-სანიტარიის ინვესტაცია და დისკომფორტს უქმნიდა, როგორც ადგილობრივ მოსახლეობას, ასევე - ტურისტებს. ახალი შენობები არქიტექტორებმა

დაპროექტეს და ადგილობრივი მშენებლის შესაბამისი დიზაინი ექნებათ.“ - აღნიშნა მინისტრმა. ამ ეტაპზე ყვარელში საზოგადოებრივი ტუალეტების მშენებლობა მარჯანიშვილისა და ჭავჭავაძის ქუჩებზე მიმდინარეობს. პროექტს საქართველოს მთავრობა აფინანსებს; სამუშაოებს კი, რეგიონული განვითარებისა და ინფრასტრუქტურის სამინისტროსთან ერთად, გაერთიანებული წყალმომარაგების კომპანია აწარმოებს. პროექტზე, რომელიც საქართველოს მთავრობის დაფინანსებით ხორციელდება სულ 250-მდე ადამიანი დასაქმდება. სამშენებლო სამუშაოების მონახულების შემდეგ, მინისტრი ადგილობრივ მოსახლეობას გაესაუბრა და მათი პრობლემების შესახებ მოისმინა.

ნოტარიუსის მიერ სააღსრულებო ფურცლის გაცემის არეალი გაფართოვდა

საკანონმდებლო ცვლილების საფუძველზე, ნოტარიუსის მიერ სააღსრულებო ფურცლის გაცემის არეალი გაფართოვდა. თუკი აქამდე ნოტარიუსი სააღსრულებო ფურცელს მხოლოდ გარიგებისა და იპოთეკის ხელშეკრულების საფუძველზე გასცემდა, ამიერიდან, ქირავნობის, სესხის, ვალისა და ფულად ვალდებულებებთან დაკავშირებული ნებისმიერი ხელშეკრულების საფუძველზე გასცემს. ნოტარიუსთა პალატის გამგებოს თავმჯდომარის, ბაჩანა შენგელიას განცხადებით, აღნიშნული სიახლე დაზარალებულ მხარეს თავიდან ააცილებს სასამართლო დავასა და დამატებით ხარჯს და საშუალებას მისცემს, გარიგების გაფორმებისას უფრო დაცულად იგრძნოს თავი. „ანუ ნოტარიუსთან ფულად ვალდებულებებთან დაკავშირებული ხელშეკრულების გაფორმებისას თუკი მხარეები ხელშეკრულებაში თავიდანვე ჩადებენ სააღსრულებო ფურცლის გაცემის პროცესს, შემდგომში დავის წარმოშობის შემთხვევაში, დაზარალებულ

მხარეს აღარ მოუწევს სასამართლოსთვის მიმართვა, სააღსრულებო ფურცელს გამარტივებული ფორმით, პირდაპირ ნოტარიუსისგან მიიღებს“, - განმარტა შენგელიამ. როგორც ნოტარიუსთა პალატაში აღნიშნავენ, ნოტარიუსის მიერ სააღსრულებო ფურცლის გაცემის პრაქტიკა ევროპის ლათინური ნოტარიატის წევრ ქვეყნებში დიდი ხანია არსებობს. საქართველოში ნოტარიუსის მიერ სააღსრულებო ფურცელი გარიგებისა და იპოთეკის ხელშეკრულებების საფუძველზე, 2010 წლიდან გაიცემა. აღნიშნული სერვისით მოქალაქეთა დინტერესებამ განაპირობა საკანონმდებლო ცვლილებები, რის საფუძველზეც, ნოტარიუსის მიერ სააღსრულებო ფურცელი უკვე ფულად ვალდებულებებთან დაკავშირებული ნებისმიერი ხელშეკრულების საფუძველზე გაიცემა. მოქალაქეთა დინტერესებებზე მზარდი სტატისტიკური მონაცემებიც მეტყველებს. 2010 წელს - 429, 2011 წელს - 1 276, წელს - 534 სააღსრულებო ფურცელი.

წინანდლის რეზიდენციას რეკონსტრუქცია ჩაუტარდება

თბილისისა და ბათუმის შემდეგ, სასტუმრო „რედისონი“ კახეთში აშენდება. წინანდალში, ჭავჭავაძის მუზეუმის მიმდებარე ტერიტორიაზე სამუშაოები 20 აპრილიდან დაიწყება. ოთხსართულიანი, 100 ნომერზე გათვლილი სასტუმრო თანამედროვე

სტანდარტების არქიტექტურული ნაგებობა იქნება. კომპლექსი 20 მილიონამდე ამერიკული დოლარის ინვესტიციით აშენდება. სამშენებლო სამუშაოებს ცნობილი ამერიკელი არქიტექტორი ჯონ ფოტადისი აწარმოებს.

ქორწინებისა და განქორწინების რეგისტრაციის უფლება ნოტარიუსებსაც მიენიჭათ

ქორწინებისა და განქორწინების რეგისტრაციისა და შესაბამისი მოწმობების გაცემის უფლება, სამოქალაქო რეესტრის პარალელურად, ნოტარიუსებსაც მიენიჭათ. სამოქალაქო რეესტრის ელექტრონულ მონაცემთა შესაბამის ბაზებთან წვდომის უზრუნველსაყოფად, საქართველოს იუსტიციის სამინისტროს საჯარო სამართლის იურიდიული პირებს: საქართველოს ნოტარიუსთა პალატასა და სამოქალაქო რეესტრის სააგენტოს შორის ურთიერთთანამშრომლობის მემორანდუმი გაფორმდა. „ნოტარიუსთან ქორწინებისა და განქორწინების რეგისტრაცია ევროპის ქვეყნებში (ბელგია, საფრანგეთი...) დახერხილი

პრაქტიკაა. წყვილებს საქართველოშიც არჩევანის მეტი საშუალება მიეცემათ, სამოქალაქო რეესტრის სააგენტოს გარდა, შეიძლება, საქართველოში მოქმედ ნებისმიერ ნოტარიუსთან დაარეგისტრირდნენ ქორწინება ან განქორწინება და მიიღონ შესაბამისი მოწმობა. ასევე, წყვილებს შესაძლებლობა ექნებათ, ქორწინების რეგისტრაციისას მიიღონ სარიტუალო მომსახურებაც როგორც სანოტარო ბიუროში, ასევე, სანოტარო ბიუროს გარეთ. ამასთან, წყვილი, ვინც ნოტარიუსთან ქორწინების ხელშეკრულებას გააფორმებს, აღარ მოუწევს სამოქალაქო რეესტრში წასვლა, ნოტარიუსთანვე მიიღებს ქორწინების მოწმობას“, - განაცხადეს ქამოქალაქო რეესტრის სააგენტოში.

ლაგოდეხში ხატიდან ჩამონადენს ექსპერტიზა უტარდება

საქართველოს საპატრიარქოს წარმომადგენლებმა ლაგოდეხის რაიონის სოფელ მსხალგორში მდებარე ეკლესიაში ღვთისმშობლის ხატიდან ჩამონადენი ნივთიერების სინჯები აიღეს. სპეციალისტებმა უნდა გაარკვიონ, ხატს ნამდვილად სისხლი სდის თუ არა. როგორც ნეკრესის მიტროპოლიტმა სერგიმ კახეთის საინფორმაციო ცენტრს განუცხადა, ლაბორატორიული ანალიზის პასუხი 3-4 დღეში გახდება ცნობილი. მეუფეს განცხადებით, იმის თქმის საფუძველს, რომ ხატიდან ჩამონადენი ნივთიერება

ძლება იყოს ხატიდან სისხლის წამოსვლა, შეუძლებელია. „საერთოდ ასეთი ფაქტი ბერი არ ყოფილა, ამდენად დიდი პრაქტიკაც არ არსებობს და ძნელია იმაზე ლაპარაკი, რას შეიძლება ნიშნავდეს. ალბათ იმის ნიშანი, რომ თუ ხალხი მოექცევა არაფერზეც არ იქნება და თუ არ მოექცევა დაისჯება, მაგრამ შეიძლება კარგის ნიშანიც იყოს. იმის თქმა, რომ ხატს სისხლი წამოუვიდა და ახლა იგი დაინცა, ასეთი რამ არ არსებობს. ყველამ ლოცვა უნდა გაავლოთ, დანარჩენი უფლის ნებაა.“ - განუცხადა მეუფე სერგიმ კახეთის საინ-



სისხლია, ჯერჯერობით მხოლოდ მისი შეფერილობა იძლევა. „ჯერ არ ვიცით რა არის ის ნივთიერება, რომელიც ხატიდან მოდის. მხოლოდ ის ვიცით, რომ საღებავი არ არის. ეს ნივთიერება მუქია, სისხლისფერი და სწორედ ამიტომ ვამბობთ, რომ სისხლია, ზუსტ პასუხს ლაბორატორიული ანალიზი დაადგენს.“ - აღნიშნა მეუფე სერგიმ. მისივე თქმით, იმაზე საუბარი, რის მომასწავებელი შეი-

ფორმაციო ცენტრს. შეგახსენებთ, რომ ლაგოდეხის რაიონის სოფელ მსხალგორში, წმინდა ნიკოლოზის სახელობის ახლადაშენებულ ეკლესიაში ღვთისმშობლის ხატს სისხლისფერი სითხე 9 აპრილიდან სდის. მსხალგორის მაცხოვრებლების თქმით, ხატიდან ჩამონადენი მამინ შენიშნეს, როცა ის ხელნაწერი ხატი უნდა ჩაენაცვლებინათ. სასულიერო პირები მომდარს სასწაულს უწოდებენ.

შემოწირობა - სკოლებს

დედოფლისწყაროს პირველი საჯარო სკოლა „ალუმნა“-ს პროგრამას აგრძელებს. პროგრამა საშუალებას აძლევს ყველა მსურველს გამოხატოს თავისი დამოკიდებულება სკოლის მიმართ და წვლილი შეიტანოს მის განვითარებასა და წარმატებაში. დედოფლისწყაროს პირველ საჯარო სკოლაში კლუბი „ალუმნა“ 2010 წელს ჩამოყალიბდა. მამინ სკოლის კურსდამთავრებულებმა სკოლას 3 100 ლარი შესწირეს. „ჩვენი სკოლის ბევრი წარმატებული კურსდამთავრებული თავიდანვე გამოუმუშავა ამ ინიციატივას და გახდა „ალუმნის“ კლუბის წევრი. კლუბი აერთიანებს ყველა იმ კურსდამთავრებულს, ვინც გამოიქცა ნებისმიერ დროს და ნებისმიერი სახით სკოლისთვის დახმარების განწვევს სურვილი. კლუბი თავდაპირველად 100-მდე წევრს აერთიანებდა. წელს შეიძლება ეს რაოდენობა გაიზარდოს. კლუბის დაარსების დროს, 2010 წელს შემოიღებო-

ზე შეხვედრა მოვანყეთ ჩვენი სკოლის კურსდამთავრებულთა. ასევე, 2011 წელს გვექნება საუბრობო საღამო, სადაც მონაწილე იყვნენ კლუბის წევრებიც. გასულ წელს სკოლის წარმატებულმა აკურსდამთავრებულმა გივი ნატროშვილმა შემოსწირა მშობლიურ სკოლას 8 000 ლარის ღირებულების ძვირადღირებული საკონცერტო აპარატურა საექტო დარბაზისთვის. გივი ნატროშვილი წარმატებული ექიმი და ბიზნესმენია. ის თავისი დიდი ოჯახით ცხოვრობს და მოღვაწეობს რუსეთში, ქალაქ კოსლოვოდსკში. მის საპატივსაცემოდ სკოლის ყოველი ღონისძიება მოიცავს სამადლობლოს გივი ნატროშვილის მიმართ. მისწავლებებმა გაზაფხულის მილოცვის მიზნით მას ნახატების გამოგონა მოუძღვნეს. ყველაზე მეტი თანხა იმ დროისთვის შემოგვწირეს ავთანდილ ლეკაშვილმა (200 ლარი), სოლომონ მენთეშვილმა (150 ლარი), ლევან ბალაშვილმა (150 ლარი). დანარჩენებმა შედარებით ნაკლები,

— განუცხადა „მირაქს“ №1 სკოლის დირექტორმა მათა ლაპაშვილმა. კლუბში დედოფლისწყაროს მუნიციპალიტეტის ის ცნობილი სახეებიც არიან განწვევნილებულნი, რომელთაც სწორედ ეს სკოლა დაამთავრეს. ლევან ბალაშვილი, ალექსანდრე ალუღიშვილი, ზაზა ფიროსმანიშვილი, მარინა მეტრიშვილი და სხვები. როგორც „მირაქს“ გარაკვია, პროგრამის ფარგლებში მამინ №1 სკოლა კვლავ შეეგება თავის კურსდამთავრებულებს ღონისძიებით „ყვავილების ფესტივალი“. მათა ლაპაშვილის განმარტებით, ღონისძიების ტარილი ამ ეტაპზე უცნობია. „გვინდა მიგმართოთ სკოლის კურსდამთავრებულებს: თუ გაცხეთ სურვილი და შესაძლებლობა, რომ მატერიალურად დაეხმაროთ თქვენს სკოლას, გადარჩენთ თქვენთვის სასურველი თანხა ჩვენი სკოლის „ალუმნა“-ს ანგარიშზე ან ჩვერთეთ „ალუმნა“-ს კლუბის საქმიანობაში“ — ნათქვამია პირველი სკოლის მიერ გავრცელებულ განცხადებაში. „ალუმნის“ პროგრამის ჩამოყალიბება და განვითარება საქართველოში განათლების რეფორმის მეორე ეტაპის ფარგლებში დაინიშნა. ეს პროგრამა წარმატებულად ხორციელდება როგორც დასავლეთ ევროპის განვითარებულ ქვეყნებში, ასევე ამერიკის შეერთებულ შტატებში. „ალუმნის“ პროგრამა მიზნად ისახავს საზოგადოების აქტიურ ჩართვას სკოლის სხვადასხვა საქმიანობებში.



ილია მარტყოფლიშვილი

ლეგან ბალაშვილი: სოფელ ფიროსმანში საბავშვო ბაღი შემოდგომაზე გაიხსნება

რამდენიმე თვეში დედოფლისწყაროს საზღვრისპირა სოფელ ფიროსმანში საბავშვო ბაღი დაიწყებს ფუნქციონირებას. ამის შესახებ განცხადება დედოფლისწყაროს საკრებულოს თავმჯდომარე ლევან ბალაშვილმა საკრებულოს სხდომაზე გააკეთა. მისი თქმით, ამ სოფელში ბავშვთა კონტინგენტი საკმაოდ დიდია, ამიტომ საბავშვო ბაღის აღდგენის საკითხი ადგილობრივი მოსახლეობის დიდი თხოვნა იყო.

როგორც მუნიციპალიტეტის სკოლამდელი და სკოლისგარეშე სააღმზრდელო ცენტრის დირექტორი მურად ოზაშვილი განუცხადებდა, „შირაქთან“ საუბარში აცხადებს, ფიროსმანში საბავშვო ბაღი 16 წელია აღარ ფუნქციონირებდა.

„ამჟამად სოფელ ფიროსმანში უკვე 50-ზე მეტი ბავშვია, რომელთა მშობელიც საბავშვო ბაღში მიყვანის სურვილს ამჟამად გამოთქვამს. ეს საკმაო კონტინგენტი, სავარაუდოდ, გახსნისთანავე 2 ჯგუფის შექმნა მოგვინებს. თუმცა, უნდა აღინიშნოს, რომ ამ სოფელში შესაბამისი შენობა არ გვაქვს. ადგილზე შევარჩევთ შენობას, რომელსაც მუნიციპალიტეტი შეისყიდის, კეთილმოაწყობს და გა-

სახსნელად მოვამზადებთ. რაც მთავარია, ადგილობრივების დიდი ხნის თხოვნა გავითვალისწინებთ და რამდენიმე თვეში საბავშვო ბაღს გაიხსნება.“ — განუცხადა „შირაქს“ დედოფლისწყაროს საკრებულოს თავმჯდომარე ლევან ბალაშვილმა.

როგორც „შირაქმა“ გაარკვია, სოფელში საბავშვო ბაღის აღდგენის დაფინანსება მთლიანად სოფლის

„ამ სოფელში ბავშვთა დიდი კონტინგენტი და ორ ჯგუფად დაყოფა მოგვინებს“

დახმარების სახელმწიფო პროგრამით გათვალისწინებული თანხით მოხდება. თუ ამ პროგრამით გათვალისწინებული თანხა საკმარისი არ აღმოჩნდება, მუნიციპალიტეტის საკრებულო მზადყოფნას გამოთქვამს, ადგილობრივი ბიუჯეტიდან თანხის დამატების საკითხზეც იმსჯელოს.

სოფელ ფიროსმანის ტერიტორიული ორგანოს რწმუნებული ოთარ ხოზრევანიძე „შირაქთან“ საუბრისას აცხადებს, რომ სოფლის მოსახლეობის გამოკითხვის შედეგად დადგინდა, რომ ადგილობრივები პირველ რიგში

საბავშვო ბაღის აღდგენას ითხოვენ, ამიტომ ეს პრობლემა 2012 წლის პრიორიტეტულ საკითხად დასახელდა. ხოზრევანიძის განმარტებით, 2012 წლისთვის, სოფლის დახმარების სახელმწიფო პროგრამით გათვალისწინებული თანხიდან სოფელ ფიროს-

მანს 17 000 ლარი ერგო. მისი თქმით, შენობა რომელსაც საბავშვო ბაღისთვის შეიძენენ სოფლის ცენტრში შეირჩევა. რწმუნებული ამბობს, რომ რამდენიმე ვარიანტი უკვე არსებობს, თუმცა კონკრეტული გადაწყვეტილება მიღებული ჯერ არ არის. „შირაქის“ ინფორმაციით, საბავშვო ბაღი სკოლის შენობას გამოეყოფა და ცალკე შენობაში გადავა საზღვრისპირა სოფელ არხილოსკალოშიც.

საბავშვო ბაღის აღდგენას ითხოვენ ეთნიკური უმცირესობებით დასახლებულ სოფელ საბათლოს მაცხოვრებლებიც. თუმცა, როგორც დედოფლისწყაროს სკოლამდელი და სკოლისგარეშე სააღმზრდელო ცენტრის დირექტორი მურად ოზაშვილი ამბობს, ამ სოფელში ბავშვთა კონტინგენტი იმდენად მცირეა, ამ ეტაპზე ამ საკითხს პერსპექტივა არ უჩანს.

ილია მარტყოფლივილი



კონფერენსია კლიმატის ცვლილების საკითხებზე

11 აპრილს, თბილისში, სასტუმრო ამბასატორში, კავკასიის გარემოსდაცვითი არასამთავრობო ორგანიზაციების ქსელის ორგანიზებით, პროექტის „კლიმატის ცვლილებასთან ადაპტაცია და ბუნებრივი კატასტროფების რისკის შემცირება“ (CCADM) — ფარგლებში, ჩატარდა კონფერენცია, რომელზეც წარმოდგენილი იყო 11 საკითხი, აქედან სამი დედოფლისწყაროს პრობლემას შეეხებოდა:

პირველ საკითხზე — „გლობალური დათბობის პირობებში სასოფლო-სამეურნეო კულტურების გავრცელების აგროკლიმატური ზონების სცენარები დედოფლისწყაროს მუნიციპალიტეტის მაგალითზე“ — მიმოიხილა გააკეთა CCADM პროექტის ექსპერტმა გიორგი მელაძემ. პროგნოზირებისთვის განხილული იყო სხვადასხვა სცენარები 2021-2050 წლამდე. როგორც მომხსენებელმა აღნიშნა, მოდულაციის შემომწმება ბადაზე დატანილი მონაცემთა ბაზების მიხედვით, ევროპის ცენტრთან შედარების საფუძველზე

მოხდა. დედოფლისწყაროს მაგალითზე შეინიშნება 3-დან 6 თვიანი გვალვების ოდენობის მატება. გამოითქვა ვარაუდი, რომ 30-50 წლის შემდეგ, მოსალოდნელია 2 გრადუსით ტემპერატურის მომატება.

ეს კი ხელს შეუშლის სოფლის მეურნეობის დარგების განვითარებას. ამიტომ საჭიროა შექმნას ადაპტაციის საადაპტაციო გეგმა, რომელიც შეარბილებს კლიმატის ცვლილებით გამოწვეულ შედეგებს, მაგ. სხვადასხვა საკითხებთან ერთად, 2020-2050 წლებისთვის განხილულ უნდა იქნეს სოფლის მეურნეობის კულტურების სავეგეტა-

ციო პირობები, თანამედროვე ტექნოლოგიები და სხვა..

CENN-ის წარმომადგენელმა, CCADM პროექტის ექსპერტმა ჭიჭიკო ჯანელიძემ დედოფლისწყაროს და

ხელვაჩაურის მაგალითზე გააკეთა კლიმატის ცვლილებასთან საადაპტაციო მუნიციპალური გეგმის პრეზენტაცია; კონფერენციის ბოლოს, მოხდა აღნიშნული პროექტის ფარგლებში

დაგეგმილი საპილოტე პროექტების წარდგენა. საერთო სარგებლობის საძოვრების მდგრადი მართვის მიზნით დედოფლისწყაროს მუნიციპალიტეტში განსახორციელებელი საპილოტე

პროექტის ძირითად მიმართულებებზე ისაუბრა CCADM ექსპერტმა იოსებ სარჯველაძემ, ხოლო დედოფლისწყაროში საძოვრებთან დაკავშირებული პრობლემები მიმოიხილა პროექტის კონსულტანტმა დედოფლისწყაროში, მუნიციპალიტეტის გამგეობის ადმინისტრაციული სამსახურის სპეციალისტმა საზოგადოებასთან ურთიერთობის საკითხებში, ანა ბენაშვილმა.

კონფერენციის მუშაობაში მონაწილეობას იღებდნენ მეცნიერები, საქართველოს სოფლის მეურნეობის გარემოს დაცვის სამინისტროების, დეპარტამენტების და სხვადასხვა უწყებების წარმომადგენლები;

კონფერენციის მიზანს წარმოადგენდა, სახელმწიფო ისტიტუტებისა და სამოქალაქო საზოგადოების ინფორმირება, თემატური დიალოგის განვითარება და მომავალი თანამშრომლობის დაგეგმვა, რაც ხელს შეუწყობს კლიმატის ცვლილების საკითხების გათვალისწინებასა და ინტეგრირებას სახელმწიფო პროგრამებსა და განვითარების გეგმებში.

ილია მარტყოფლივილი



ზაზა გოროზია დედოფლისწყაროში

საქართველოს სოფლის მეურნეობის მინისტრმა ზაზა გოროზიამ 17 აპრილს დედოფლისწყაროში, ტარიბანას საგაზაფხულო საძოვრებზე ცხვრის წინასაექსპორტო მოსამზადებელი სამუშაოები დაათვალიერა და ისრაელში ქართული ცხვრის ექსპორტზე გაზაზვის პროცესს დაესწრო. ის დედოფლისწყაროს მოადგილესთან ერთად სტუმრობდა. დედოფლისწყაროში იმყოფებოდა, ასევე, სურსათის უვნებლობის, ვეტერინარიისა და მცენარეთა დაცვის სააგენტოს უფროსი დავით კობერიძე.

მოგვიანებით, კობახიძემ ჟურნალისტებთან საუბრისას აღნიშნა, რომ ჩვენს ქვეყანაში ბოლო დროს საექსპორტო ცხვრის ჯანმრთელობის მდგომარეობას განსაკუთრებული ყურადღება ექცევა და წერილფენა პროტყვი საგულდაგულოდ მოწმდება.

როგორც დედოფლისწყაროში ვიზიტისას გაიკვია, ამ ეტაპზე ისრაელში 4000-მდე სული ცხვარი გაიგზავნა. საქართველოს მეცხვარეთა ასოციაციის თავმჯდომარის ბექა გონაშვილის განმარტებით, მაისის ბოლომდე ეს რიცხ-

ვი 12 ათასამდე გაიზრდება.

მინისტრის, ზაზა გოროზიას თქმით, ქართულ ცხვარზე მოთხოვნა საერთაშორისო ბაზარზე იზრდება. მიმდინარე წელს 6 715 სული ცხვარი ისრაელში, აზერბაიჯანში, ყატარსა და კუვეითში გაიგზავნა. წლის ბოლომდე სხვადასხვა ქვეყნებში, დაახლოებით, 200 ათასამდე სულის გაყვანა იგეგმება.

„ისრაელის ბაზრის ათვისება ქართული ცხვრის საექსპორტო პოტენციალის გაზრდისთვის მნიშვნელოვანია. 2011 წლის თებერვლიდან სოფლის მეურნეობის სამინისტრო ისრაელის მხარესთან მოლაპარაკებებს აწარმოებდა, რის შედეგადაც კომპანია „ედენ ინტერნეიშენალ ტრეიდინგს“ ისრაელში ცოცხალი ცხვრის ექსპორტზე გაყვანის სამუშაოები მიეცა. გასული წლის შემოდგომაზე ისრაელში საცდელად 2200 სული ქართული ცხვარი გავიდა. მიმდინარე წლის მაისამდე ექსპორტი კიდევ იგეგმება. ისრაელში ქართულ ცხვარზე მოთხოვნა გაიზარდა, რაც ბუნებრივ საკვებზე გაზრდილი ცხვრის ხორცის მაღალმა ხარისხმა და განსხვავებულმა გემომ განაპირო-

ბა“, — განაცხადა გოროზიამ.

როგორც განუცხადებდა, 2009 წლიდან დღემდე ისრაელში, აზერბაიჯანში, სომხეთში, ირანში, ლიბანოში, იორდანიაში, დუბაიში, ქუვეით-

ში, ყატარში, სირიაში, ეგვიპტეში და არაბეთის გაერთიანებულ საემიროებში ექსპორტზე 574 900 სული ცხვარი გავიდა.

ილია მარტყოფლივილი



სიყვარული სისოცხლის აზრი და ცხოვრების საფუძველია

ხვიჩა 1969 წელს დაიბადა სოფელ თავნყაროში სიმონ და ჟუჟუნა ქავთარაძეების ოჯახში, რომელიც გასული საუკუნის სამოციან წლებში კასპის რაიონის მაღალმთიანი სოფლიდან – ჩაჩუბეთიდან, გეგმიური ჩამოსახლებით ჩამოვიდა და დასახლდა თავნყაროში. სოფელი ადმინისტრაციულად ოზანის საბჭოში შედიოდა, მაგრამ, ტერიტორიული სიხლოვის გამო, კავშირები გამარჯვებასა და დედოფლისწყაროში უფრო ჰქონდათ. (მთელი ცხოვრება მიკვირდა და დღესაც ვერ ამიხსნია, რატომ მაინც და მაინც ოზანს მიაბეს ეს მინი-სოფელი კომუნისტებმა, სად ოზანი და სად თავნყარო?) სამი დედამამიშვილი იზრდებოდა ოჯახში უფროს-უმცროსობის წესრიგით, და-ძმის სიყვარულიც აქ გაღვივდა მის გულში. თავნყაროს ოთხნობიანი სკოლა რომ დაამთავრა, გამარჯვების საშუალო სკოლაში გადავიდა სასწავლებლად, სკოლის დამთავრების შემდეგ ჯაფარიძის №72-ე პროფსასწავლებელში სოფლის მეურნეობის მექანიზაციის საფუძვლებს დაეუფლა და დღემდე ამ დარგს ემსახურება. 25 წლისამ სიყვარულით შექმნა ოჯახი თანასოფელ მარინა აფციაურთან ერთად და საკუთარი ბუდე მოიხყო. დღეს ხვიჩა ოთხი ქალიშვილის მამაა: ელიზა და ჟუჟუნა დიდი ბებიის და ბებიის მოსახლეები არიან, მათ ქეთევანი და წლინახვირის ანა-მარია მოსდევენ. 16 წლის ელიზა ქ.დედოფლისწყაროს №1 საჯარო სკოლის X კლასის მოსწავლეა, ჟუჟუნა და ქეთევანიც ამავე სკოლაში სწავლობენ და ყველა კარგ მოსწავლედ ითვლება.

– ცხოვრებამ ასე მოითხოვა, თავის დროზე უპერსპექტივოდ ჩასახლებული სოფელი თავნყარო, ფაქტიურად, დაიშალა. ახალგაზრდები იქ აღარ ცხოვრობენ, რადგან აღარც სკოლაა, აღარც ბიბლიოთეკა, აღარც საექიმო-ამბულატორია და.. ყველა წავიდა-წამოვიდა. სოფელში, ძირითადად, ხანდაზმულები ცხოვრობენ, თი-

თო-ოროლა საქონელს მწყემსავენ, კოლმეურნეობიდან შენახვედრ 1,25 ჰექტარ პრივატიზებულ მიწებს ამუშავებენ და ყველანაირ საყოფაცხოვრებო პირობებს მოკლებულნი, ექიდებთან ცხოვრობს. ჩემი მეუღლე დანყებითი სკოლის პედაგოგი იყო. უმუშევარი დარჩა, ბავშვებს განათლების მიღება სჭირდებოდათ და მეც დედოფლისწყაროში გადმოვბარგდი. თუმცა, მაინც ძალიან მიყვარს ჩემი სოფელი და ორი-სამი დღე ისე არ გავა, არ ჩავიბრინო, მშობლებს არ დავეხედო, ახლობლებს არ მოვეფერო – ამბობს ხვიჩა.

– **ოთხი ქალიშვილის მამა სამომავლოდ რას აპირებ, ქართველი კაცის მენტალიტეტიდან გამომდინარე, აგრძელებ ბიჭის “ძიებას” თუ...?**

– ფუძის მემკვიდრე ბიჭი ყველას უნდა და მათ შორის მეც, მაგრამ ის უფრო მინდა, ჩემს გოგონებს ჯანმრთელი დედა ჰყავდეთ. თუ ბუნება საშუალებას მოგვცემს და მეუღლის სურვილიც იქნება, მე შვილთა სიმრავლეს არ შევეშინდები, მიყვარს დიდი ოჯახი, მთავარია, ერთმანეთის და შრომის სიყვარული ასწავლო შვილებს, თორემ მერე ყველა თავის გზას მონახავს, ერთმანეთს შეეხიბებიან და ფეხზე დადგებიან. აუცილებელი არ არის, მშობლებმა ყველა შვილს ბინა და მანქანა უყიდონ, ცხოვრება მოუნყონ. უპირველესად მათ ცხოვრების სწორი გეზი უნდა მისცე!

– **რას საქმიანობ, რით არჩენ ოჯახს?**

– მინი-სატრაქტორო ბრიგადა მაქვს: სახნავი ტრაქტორ-გუთანა, “ბელარუსი” თავისი მისაბმელებით – ფარცხით, სათესით. ორი-სამი ადამიანი მყავს დასაქმებული. ჩემი ტექნიკა, ძირითადად, საბჭოთა დროის რუსული წარმოებისაა. უკვე ამორტიზებულია და ბევრი სათადარიგო ნაწილის ყიდვა მინევს რემონტისას. ახალი ნაწილები ძალიან უხარისხოა, ქარხნები აღარ მუშაობენ, პატარ-პატარა კოოპერტივების მიერ გამოშვებული ნაწი-

– თუ გიყვარს შენი ოჯახი – მშობლები, და-ძმები და შვილები, თუ გიყვარს მეუღლე, გვერდში მდგომი თანამშრომლები და საქმე, რომელსაც ემსახურები, თუ გიყვარს შენი ერი და ქვეყანა, მისი წარსული და აწმყო, მისი მინა და ცა, ზოგადად, თუ ღმერთს შენთვის სიყვარულის უნარი მოუცია, უნდა ჩათვალო, რომ ბედნიერი ხარ, შენს სიცოცხლეს აზრი აქვს და შენს ცხოვრებას მტკიცე საფუძველი, რომელზე დაყრდნობითაც წარმოიშობა ოცნებები და ისახება მათი მიღწევის გზები – ასე ფიქრობს დღევანდელი ჩვენი რესპოდენტი, ერთი წესიერი ახალგაზრდა კაცი ხვიჩა ქავთარაძე. არა, მარტო კი არ ფიქრობს, ამ რწმენით ა განანესით ცხოვრობს. ამიტომაც, მის ნაცნობთაგან ვისაც გინდა ჰკითხო, ყველა გეტყვის, რომ ხვიჩა ძალიან კარგი, წესიერი, მშრომელი, თანამგრძობი, სამართლიანი და ჰუმანური ადამიანია. ეს კი კაცისათვის დიდი სტიმულია.

ლები კი, უნდა ითქვას, რომ ერთჯერადია. ზოგი ნაწილის მოვლა ძალიან გაძნელებულია, ე.წ. “დაშლილებშიც” კი აღარ არის. ბოლო წლებში ჭარბად შემოსული ჩინური ნაწილებიც ძალიან უხარისხოა. ასე რომ, ბევრი წვალეა გვინევს. ამიტომ, მომგებიანია და კარგი ცხოვრების საშუალებას იძლევა-მეთქი, ვერ ვიტყვი, რეალურად საარსებო წყაროა.

– **ტექნიკა, ასე თუ ისე, შენი გაქვს, მინაც თუ გაქვს, არა გინდა?**

– არა, მინა არ მაქვს, სულ ვქირაობ. მდგომარეობას ისიც ართულებს, რომ საწვავის ფასი ძალიან მაღალია, ქირას ვუხდის მინის მეპატრონეს, სახელმწიფო მინის გადასახადიც გაორმაგდა და ცოტა მეტიც. ასე რომ, პროდუქციის თვითღირებულება მაღალია, რეალიზაციის ფასი – დაბალი. ეს გალობალური დათბობის და გაუდაბნოების პროცესებიც უარყოფითად მოქმედებს, ხან გვალვაა, ხან ქარებია, ხან რა და ხან რა. ჩვენმა დაუდევრობამ და წინდაუხედავობამ ის ტოტი მოგვაჭრევინა, რომელზეც ვიჯექით. ჩვენივე ხალხის წყალობით გაიჩნა ქარსაფარები, იმოდენა წერიფეხა და მსხვილფეხა საქონელი დაღის შირაქსა და სხვა მინდვრებში, სადაც საძოვარი საერთოდ არ არის, რომ მათ რა ჯეჯილი და ქარსაფარი გაუძღვებოთ! ნეტავი ვინმე მოჰკიდებდეს ხელს ამ საქმეს და ამ საქონელს გააყვანინებდეს, სამართალსაც აღასრულებდა და ხალხის მაღლსაც მოისხავდა. მაღალი მოსავლის მისაღე-

ბად სათესლე მასალის ხარისხს დიდი მნიშვნელობა აქვს. ჩვენ კი, იმის გამო, რომ კარგი ხარისხის თესლი ძვირია და ხელი არ მიგვინვდება, უმრავლესობა იმას ვთესავთ, რაც გვაქვს. კარგი იქნებოდა, მთავრობა ამ კუთხით უფრო მეტად ზრუნავდეს მინათმოქმედებზე. მაგალითად, გასულ წელსაც იყო ხორბლის და სიმინდის თესლი შემოტანილი, მაგრამ, ჯერ ერთი ძვირი იყო, ახლა ბანკებთან და დაზღვევასთან ურთიერთობა არც ისე საიოლო და მარტივი საქმეა, რისკია. მე, თითქმის ყოველწლიურად, მიხდება ბანკიდან სესხის აღება, წლიურად 26 პროცენტზე ნაკლები არ მინევს. არადა, სამწუხაროდ, უფრო შეღავათიანი სესხი მინადმოქმედებისათვის ჩვენს რაიონში რეალურად არ არის. ისე კი, სასურველია, ამ კუთხით სერიოზულ შეღავათებზე იზრუნოს მთავრობამ, თორემ დიდი ნაწილი ჩვენი რაიონის მიწებისა მიტოვებული და დაუმუშავებელია, რადგან ხალხს ძალიან უჭირს, ვერ სწვდება ხარჯებს, ვერც ამუშავებს, ვერც აქირავებს და რთულ მდგომარეობაშია ჩავარდნილი.

– **მიმდინარე წელს მთავრობამ სოფლის მეურნეობა პრიორიტეტულ დარგად გამოაცხადა. შემოდის და კვავაც იგეგმება თანამედროვე ტექნიკის შემოტანა და მექანიზაციის ცენტრების შექმნა. გასულ წლებშიც არაერთხელ დარიგდა ტრაქტორები, მისაბმელები, კომბაინები. ჩვენს რაიონშიც არის ტექნიკის რამდენიმე ცენტრი. როგორ უძლებთ კონკუ-**

რენციას და რას აკეთებთ იმი-სათვის, რომ მომხმარებელი არ დაკარგოთ?

– მე, პირადად, მივესალმები ამ პროცესს, რაც მეტი ხარისხიანი და თანამედროვე ტექნიკა შემოვა, მით უკეთესი, მეტი ფართობი დამუშავდება, ხალხმა იქნებ ამოისუნთქოს. თუმცა, აქვე უნდა შევნიშნო, რომ ხარისხიანი მომსახურება ცოტა ძვირი სიამოვნებაა, მათი საპექტარო გადასახადის ტარიფი ჩვენთან შედარებით საკმაოდ მაღალია. ჩვენ შედარებით დაბალი ფასებით ვმუშაობთ, გაჭირვებული ხალხი კი, ოღონდ იაფი დაუჯდეს და ამ ახალ ტექნოლოგიებზე უარს ამბობს და ჩვეულ, მამა-პაპისეულ ხვნა-თესვას ირჩევს. ამიტომ, ჩვენ მომხმარებელი არ გვაკლია.

ხვიჩა ქავთარაძის სატრაქტორო მინი-ბრიგადას მომხმარებელი რომ არ აკლია, ამას მარტო ფასები არ განაპირობებს. ხვიჩა და მისი ბიჭები ერთ მუშტად შეკრული გუნდია – პირიანები, ულალატონი, პასუხისმგებლობის გრძობით სავსენი. თავად ბიჭებიც ხვიჩასთან ურთიერთობით კმაყოფილი არიან.

გიორგი ბანდურაშვილი ასე ახასიათებს თავის “უფროსს”: – ხვიჩა ძალიან კარგი ადამიანია. 14 წლისა მოვედი და ათი წელია, მასთან ვარ. ის ისე ზრუნავს ჩვენზე, როგორც უმცროს ძმებზე, ჭკუას გვარიგებს, თბილად გვექცევა, თუმცა, უდისციპლინობას და საქმის ლალატს არასოდეს გვაპატიობს, ვიცით ეს და ჩვენც ერთგულად ვშრომობთ. ის საუკეთესო მაგალითს გვაძლევს, როგორც წესიერი, მშობლების, ცოლ-შვილის მოყვარული ადამიანი.

“უფლის დიდ დღესასწაულს – აღდგომას და სიყვარულის დღეს ვულოცავთ ხვიჩას, სიყვარულით სავსე მის ლამაზ ოჯახს და მის “კოლექტივს”. უფლის წყალობა და ხალხის სიყვარული არ მოჰკლებოდათ.

ნაირა გორაშვილი

სიყვარული ბავშვობის სიზმრებიდან მოგვლევს

სიყვარული პოეზიის პირველმიზეზია. კაცობრიობას ის ბავშვობის სიზმრებიდან მოსდევს. ვიდრე ერის გული, მისი პირველგამომხატველის — ეროვნული პოეზიის სახით, სიყვარულის უნარს ინარჩუნებს, მისი დაბერება არ იქნება.

საქართველოს პოეტებმა ჩვენს დღეებამდე მოიტანეს ერთი სიხარულის შეგნება: ადამიანი ცოცხალია მანამდე, სანამ ის ბედნიერებას ეძებს, ვიდრე მის გულში კიდევ ღვივის აღთქმული ქვეყნის ხილვის იმედი. ხოლო ერთადერთი ხიდი, რომელიც ჩვენ ამ სიყმანვილის წლებში მოლანდებულ და ამ უტყუარი მონუმობით ეჭვმიუტანლად დადასტურებულ რეალობასთან გვაახლოებს, პოეზიის მიერ



უსასრულობაში გადატყორცნილი ხიდა. მხოლოდ ნამდვილი სიყვარულის, მხოლოდ დიდი ტკივილის ხარჯით შეიძლება ბედნიერების ნაპირებთან მიახლოება.

ყველაფერი ძველდება მზის ქვეშეთში, ცივდება, იფიტება, მტვრად და ფერფლად უბრუნდება მარადისობის წიაღს.

ათასი ბაბილონის გოდოლი ჩამოაქცია ჟამთა სიავემ, ათასი გოროზი გულის

ძახილი შეერია დიდ უდაბნოთა დაუსაბამო მდუმარებას, უდაბურდებიან სემირამიდის ბალებიც...

ვინ იცის, რამდენ ამპარტავან სულის ზვაობას მოელო ბოლო, რამდენი ამოზრახვა ჩაჰყვავთ სამუდამო ძილში ბედისა და სახელის თავზეხელაულებელ მაძიებლებს?

ინავლება სიყვარულიც... მაგრამ ერთ მშვენიერ დღეს ბრონეულის ლორთქო ფესვები კადნიერად გაჰკვეთენ ქვიან ბალავარს და სარკოფაგის ათასწლოვან სიგრილიდან კვლავ ამოგიზგიზდება „ვით ბაზმა გაუქრობელი“, — ჩვილი, უმწეო, სამარადისო ხმა: „ძევას, სიცოცხლეო ჩემო!“

ბურამ ასათიანი

სასჯელი ერთჯერადი ურომისთვის

(ბავრმა არ იხის, დაქარაბიანი აგენტს რა უნდა ჩააწერიოს)

(პირველი გვერდიდან)
რომ მის ერთადერთ სიმდიდრეს 5 ქათამი წარმოადგენს.

ამ ყველა სიკეთესთან ერთად გაჭირვებული ქალბატონი ბრონქიალური ასთმითაცაა დაავადებული. როგორც თვითონ ამბობს, მას არც ავადმყოფობის პენსია აქვს და არც სხვა რაიმე სახის დახმარება. სოციალური სუბსიდირების სააგენტოს თანამშრომლებზე გაბრაზებული არ არის, მაგრამ წყენანარევი ხმით ამბობს, რომ აგენტმა მას დეკლარაციაში შემოსავლის სახით 20 ლარი დაუნერა, როცა მას არანაირი ყოველთვიური შემოსავალი არ გააჩნია. მას ხომ ჯერ საპენსიო ასაკიც არ შესრულებია.

ლამარა მალალაშვილს დეკლარაციაში შემოსავლის სახით 20 ლარის მითითების საკუთარი ვერსია გააჩნია. ის ამბობს, რომ მეზობელს სიმინდის გარჩევამი მიეხმარა, მან კი გასამრჯელოს სახით ერთი ტომარა ხორბალი მისცა. სწორედ ეს ფაქტი გახდა

სოციალური აგენტისთვის დეკლარაციაში თანხის მითითების საფუძველი. როგორც მალალაშვილი აცხადებს, სამწუხაროდ, მისი დასაქმების ასეთი შემთხვევები ბედნიერი გამონაკლისია და ძალიან იშვიათად ხდება.

სიტუაციაში უკეთ გარკვევის მიზნით, გაზეთი „შირაქი“ სოფელ ზემო ქედის რწმუნებულს ვლადიმერ პაპიაშვილს დაუკავშირდა: „ამ ქალბატონის მდგომარეობას კარგად ვიცნობ, ნამდვილად გაჭირვებულია, მაგრამ მოგესვენებათ, სოფლის საკრებულოს საკუთარი ბიუჯეტი არ გააჩნია და ვერაფრით ვეხმარებით. ვიცი, სოციალური დახმარებაც შეუწყდა. შევთავაზებ, რომ

რეკომენდაციას მივცემდი და მას აუცილებლად დავუნერ.“ განაცხადა ჩვენთან საუბარში ზემო ქედის რწმუნებულმა.

გაზეთი „შირაქი“ სოციალური სუბსიდირების სააგენტოსაც

არ ცხოვრობდა ფიქსირებულ მისამართზე. 2011 წლის დეკემბერში კი ხელახალი შემონემების შედეგად მისმა სარეგისტრაციო ქულამ 81 000 შეადგინა. როგორც სოციალური სუბსიდირების სა-

თითებული იქნება, რომ ლამარა მალალაშვილს აქვს სიცოცხლისათვის საშიში დაავადება, კერძოდ კი ბრონქიალური ასთმა. ამ შემთხვევაში მას სოციალური აგენტები ხელახლა შეამონემებენ და იმედი, მის დეკლარაციაში ობიექტური სურათი აისახება. **ცნობისათვის, სოციალურად დაუცველთა შეფასების სისტემაში ცვლილებები შედის. ამიერიდან, მათი მატერიალური მდგომარეობის შეფასებისას აღარ იქნება გათვალისწინებული სახლში გარკვეული საყოფაცხოვრებო ტექნიკის არსებობა, რაც ხშირად იმის მიზეზი ხდება, რომ უსახსრო ოჯახები ვერ ხვდებიან სოციალურად დაუცველთა სიაში და შესაბამისად, სახელმწიფო დახმარებასაც ვერ იღებენ. ინიციატივა ჯანდაცვის მინისტრს ეკუთვნის.**

ინგა შიოლაშვილი



ლამარა მალალაშვილს დეკლარაციაში შემოსავლის სახით 20 ლარის მითითების საკუთარი ვერსია გააჩნია. ის ამბობს, რომ მეზობელს სიმინდის გარჩევამი მიეხმარა, მან კი გასამრჯელოს სახით ერთი ტომარა ხორბალი მისცა. სწორედ ეს ფაქტი გახდა სოციალური აგენტისთვის დეკლარაციაში თანხის მითითების საფუძველი.

ენვია, სადაც გაარკვია, რომ ლამარა მალალაშვილს სოციალური დახმარება 2008 წლის აგვისტოდან შეუჩერდა იმ მიზეზით, რომ ეს ქალბატონი მუდმივად

აგენტოს დედოფლისწყაროს ფილიალში განგვიმარტეს, ამ ქალბატონმა სააგენტოში უნდა წარმოადგინოს სამედიცინო ცნობა „ფორმა 100“, სადაც მი-

არ მინდა, უიმედობამ დაამჯავროს!

რამდენიმე დღის წინ მოსულმა წვიმამ, როგორც იტყვიან, სულზე მოუსწრო ქარებისა და გვალვისაგან გამომხმარ-გამოფიტულ ყანებსა და ვენახებს. ვენახებს ვამბობთ, თორემ სადღა ვენახები?!

მარობამაც ხელი შეგვიწყობდა და დავანგრეთ, მოვსპეთ და ნაკუნ-ნაკუნ გავინანილეთ ყველაფერი, რასაც ჩვენი, ჩვენი მშობლების და პაპა-ბებიების ჯანი და ცხოვრება შეელია. შეიძლება, კონკრე-

ვერ მოიყვანს. ახლა ვხედავთ ნარ-ეკლით დაფარულ ველ-მინდვრებს და შამბნარგადავლილ ვენახებს და გული გვტკივა. ამ დღეებში ენამთაში ვიყავ, გაღმა-გამოღმა აქა-იქ ოცი-ოცდათი ვენახი თუ მოიძებნება, კაცის მზრუნველი ხელი რომ ატყვია, ისიც ძალ და ძალ ნაკეთები, რადგან აღარაც ტექნიკაა ვენახის დასამუშავებლად და სანავიცი ისეა გაძვირებული, ხალხი ვეღარ ახერხებს ვენახამდე მისვლას. სამაგიეროდ, ცხვარძროხაა მომრავლებული და ყოველ საღამოს ბაიათების ღიღინით მიერეკებიან თავიანთ საქონელს უცხო ენაზე მოლაპარაკე, კმაყოფილი გამომეტყველების ადამიანები ფერმებისაკენ. ოფიციალურად საძოვარი ნაკლები აქვთ, მაგრამ ცხვარძროხას უჭმელუსმელობის არაფერი ეტყობა, რადგან ისინი, არა მხოლოდ ნავენახარში, თავად ვენახებშიც თავისუფლად დადიან და სერიოზულ ზიანსაც აყენებენ მას. მათი თავის მართლება „მე არა, კასო!“ „ფიცი მნამს, ბოლო-მაკვირვებს“ ჰგავს, რადგან საქონელმა არ იცის, ვენახში რომ არ უნდა მოისაქმოს და ფუნით სავსე ვენახები

და თავნაკორტნილი ვაზები თავად ამბობენ სათქმელს. ეს გაზაფხულსა და ზაფხულში, შემოდგომაზე კი, ყურძენი თვალში შევა თუ არა, თუ დარაჯი არ იქირავე, მთელი წლის ნაჯაფარ ვენახებში შეიძლება კინც ვერ მოწყვიტო. ყურძენს ხომ კრეფენ და კრეფენ, თუ ყაბი არ ეყოთ, მერე დაწურავენ და წვენს ნაიღებენ ჩენჩოს კი, გულის გასახეთქად იქვე დაყრიან. ეს ყველაფერი თითქოს იმ „ვილაცებს“ ბრალდებათ, მაგრამ, ხომ გაგიგონიათ, „მგელს მგლობა ერქვა და ტურამ ქვეყანა ამოადგო“.

უპასუხისმგებლო და წინდაუხედავმა ადამიანმა თავისი ვენახიდან გამოზიდულ წალამსა და ხმელი ბალახის ნარჩენს ცეცხლი წაუკიდა და თავი დაანება, არც შემოუბარა, არც რაიმე ღონე იხმარა, რომ ცეცხლი არ გავრცელებულიყო. გამოიერებული ცეცხლი ხმელ ბალახს გაეკიდა და გასხლულ და შეყვლილ, მაგრამ ჯერ მოუხნავ, ხმელი ბალახით სავსე ვენახს მიადგა. ჩვენ, ჩვენს შრომას და ცეცხლში დაღვრილ ოფლს კი არა ვჩივით, არამედ იმას, რომ ერთმანეთის შრომას არ ვაფასებთ, არ ვუფრთხილდებოდით, მარტო ჩვენს გასწვრივ ვიყურებით.



ანაოხრდა, გაიკაფა და გაველურდა ტარიბანის, დილიჩის თუ ენამთის თვალუნვდენელი ზვრები -კაპიკების ფასად ჯართში ჩაბარდა მავთული თუ საყრდენი ბოძები. ვის დავემდურეთ, ეს ხომ ჩვენ ვქენით, ჩვენ, რომლებსაც დღევანდელი კვერცხი გვიჩვენია სვალინდელ ქათამს. მაშინდელმა ქაოსურმა მდგო-

ტულად მე და თქვენ არ მივიღეთ ამ ნგრევაში მონაწილეობა, მაგრამ ეს ყველაფერი ხომ ჩვენს თვალწინ ხდებოდა, ჩვენ კი გულგრილად შევეყურებდით, ანდა, თითო-ოროლა თუ ვიღებდით ხმას, რომელიც რჩებოდა „ხმად მლაღადებლისა უდაბნოსა შინა“, რადგან ჭეშმარიტება, რომ „ერთი მერცხლის ჭიკჭიკი გაზაფხულს

გულწრფელად ვიტყვი, არც ჩვენ ვაკლებთ ერთმანეთს „სიურპრიზებს“. იმ დღეს, შებინდებულზე, ვენახში ვმუშაობდით დაღლილ-დაქანცულები სახლში რომ ვბრუნდებოდით, ვნახეთ, როგორ ემუქრებოდა განადგურებით ცეცხლი, (ასეთი შემთხვევა უკვე არაერთი იყო ენამთაში) გასხლულ-შეყვლილ ვენახებს. თოხებით და ბარებით „შეიარაღებულები“ ნახევარ საათზე მეტ ხანს ვებრძოდით ორი-სამი კაცი და ძლივს ჩავაქრეთ. ცეცხლი კი იცით როგორ გაჩნდა? ერთმა

ერთი სიტყვით, როცა კი ენამთისკენ მიმავალ გაუბედურებულ, დახევებულ და მართლაც სახიფათო გზას დავადგებით ხოლმე, როცა გადავხედავ გაჩანაგებულ ვენახებს, ანგრულ-დანგრულ სარწყავ სისტემას თავში ათასი კითხვა და ოცნება მიტრიალებს. თვალთ დავეძებ, ნეტავი სადმე თუ დგას „იმედის“ ხე, ნეტავი ოდესმე ისევ თუ იმძლავრებს ვაზი ამ ტერიტორიაზე და... მაინც არ მინდა, უიმედობამ დამაჯავროს!

ნაირა გორაშვილი



ათონის მთაზე დაწყებული დიდი სასწაული...



სრულიად საქართველოს კათოლიკოს-პატრიარქის უწმიდესისა და უნეტარესის ილია II-ის ლოცვა-კურთხევით თბილისში, მახათას მთაზე, ივერიის ღვთისმშობლის ხატის სახელობის სამონასტრო კომპლექსის მშენებლობა იწყება.

სასწაულმოქმედი ხატის დედანი ათონის მთის ქართულ მონასტერში — ივერონშია დაბრძანებული. ხატი წმინდა მთის მფარველად ითვლება.

საეკლესიო წყაროების თანახმად, როდესაც უფლის დავალების შესაბამისად, წმინდა მოციქულები იერუსალიმში შეიკრიბნენ და განიზრახეს, წილი ეყარათ, ვის რომელ ქვეყანაში ექადაგა, მარიამმა განაცხადა: „მეც მინდა, წილი თქვენთან ერთად ვიყარო. დაე, მეც მერგოს ქვეყანა, რომელსაც უფალი მიმითითებს“. ღვთისმშობელს წილად ხვდა ივერია, ანუ საქართველო.

როდესაც მან ივერთა ქვეყანაში წასვლა გადაწყვიტა, უფლის ანგელოზი გამოეცხადა და უთხრა: „ან წუ განეშორები იერუსალიმს, წილხვდომილი შენი ქვეყანა განათლდება მომავალში და

შენი მეუფება განმტკიცდება იქ. მცირე ხნის შემდეგ, შენ ღმრთის სიტყვა უნდა ახარო იმ მიწას, სადაც მიგიყვანს უფალი“. მაშინ ქალწულმა მარიამმა ანდრია მოციქულს უხმო და ივერიის საკურთხეზლად თავისი ხელთუქმნელი ხატი გადასცა.

ქრისტეს შობიდან მეცხრე საუკუნეში, ხატთმებრძოლი იმპერატორის, თეოფილეს, მეფობის დროს კეთილმორწმუნე ქრისტიანებს აწამებდნენ, ხოლო პატიოსან ხატებს ანადგურებდნენ და წვავენ. იმ დროს მცირე აზიის ქალაქ ნიკეასთან, ერთი კეთილმსახური ქვრივი, თავის ვაჟთან ერთად, ცხოვრობდა. მას ჰქონდა ყოვლადწმიდა ღვთისმშობლის საკვირველმოქმედი ხატი, რომლის წინაშეც ხშირად ლოცულობდა. ერთხელაც ქვრივის სახლში მეფის მზვერავები მივიდნენ, ერთ-ერთმა მათგანმა ღვთისმშობლის ხატს მახვილი ჰკრა. წამსვე ქალწულის ლოყიდან, როგორც ცოცხალი სხეულიდან, სისხლი წამოვიდა, შეშინებული ჯალათები მაშინვე გაიქცნენ. მათი წასვლისთანავე, ქვრივი ცრემლითა და ცადაპყრობილი ხელებით ევე-

დრა ზეციურ დედოფალს და ბოლოს, დიდი მოკრძალებით, ხატი ზღვის ნაპირას მიაბრძანა. ქალმა სანატრელი სინმინდე წყალში ჩაუშვა და იხილა სასწაული — ხატი ზე აღი მართა და, ტალღებთან ერთად, დასავლეთისკენ გაუჩინარდა. ამ დღის შემდეგ, ქვრივის ვაჟმა, დედის თხოვნით, ნიკეა დატოვა და ათონის მთაზე დამკვიდრდა. აქ ის ბერმონაზვნად ეკურთხა, სწორედ მისგან შეიქცევს ათონელმა მამებმა წმინდა ხატის ზღვაში ჩაშვების ამბავი.

200 წლის შემდეგ, ათონზე ივერთა მონასტრის ბერებმა ზღვაზე აღმართული ნათლის სვეტი იხილეს. ნათელი ზღვის ტალღებზე მდგომი ღვთისმშობლის ხატიდან მოდიოდა. იოდა. მამები შეეცადნენ, ნავით ხატს მიახლოებოდნენ, მაგრამ სინმინდე მათ მაშინვე განემორა.

ათონის ყველა მოღვაწე ზღვასთან შეიკრიბა, ბერები ზეციურ დედოფალს პარაკლისებს უხდიდნენ, მონასტრებში არ წყდებოდა ფსალმუნთა

კითხვა. ღვთისმშობელი კი მხოლოდ წარმომავლობით ქართველ ბერს, გაბრიელს, გამოეცხადა, რომელიც იმხანად, ივერთა სავანის მიდამოებში, ძნელად მისავალ მთაზე, განმარტოებულ სენაკში ატარებდა განდეგილ ცხოვრებას.

ღირს გაბრიელს ზეციურმა დედოფალმა ჩააგონა: „აუწყე წინამძღვარს და ძმებს, რომ მნებავს, მივანიჭო მათ ჩემი ხატი შემწედ და მფარველად, ნიშნად ამისა შემოდი ზღვაში, რწმენით გაიარე მის ტალღებზე და მაშინ ყველა შეიტყობს თქვენი სავანისადმი ჩემს სიყვარულსა და წყალობას“.

წმინდა ბერმა ამ ხილვის შესახებ წინამძღვარს უამბო, მეორე დღეს, განთიადზე ღვთისმშობლისადმი მხურვალედ ილოცა და ფეხი ზღვის ტალღებზე შედგა, საკვირველად განვლო წყალი და ხელში აიღო ფასდაუდებელი საუნჯე, რომლის მაღლი უხილავად იჭერდა მას წყლის ზედაპირზე. ბერებმა სიხარულით მიიღეს ხატი და იქვე აუგეს სამლოცველო.

იმ ადგილას, სადაც წმინდა გაბრიელმა ხატი გამოასვენა, საკვირველთმოქმედმა წყარომ ამოხეთქა, რომელიც დღემდე მოედინება და ყოველგვარი ხორციელი და სულიერი სნეულებების მკურნალია.

გადმოცემის თანახმად, სანამ ღვთისმშობლის ხატი ივერთა სავანეში იმყოფება, ათონის მთა მთელ ქვეყნიერებას მოჰფენს მართლმადიდებლობის წმიდა ნათელს, მაგრამ დადგება დრო, როდესაც ეს ხატი ისეთივე იდუმალი გზით გაუჩინარდება, როგორცაა მობრძანდა და მაშინ ბერებმა სასწრაფოდ უნდა დატოვონ წმინდა მთა, რადგან, თქმულების მიხედვით, სწორედ ეს იქნება ქვეყნიერების აღსასრულისა და უფლის მეორედ მოსვლის ერთ-ერთი ნიშანი.

2005 წელს საქართველოში ათონის მთიდან 13 ღირსი მამა ჩამოვიდა და მათი მონაწილეობით ეკურთხა მახათას მთის სამონასტრო კომპლექსი, როგორც ათონური ტრადიციების გამგრძელებელი სასულიერო ცენტრი.



ათონის ივერთა მონასტარი

გამოსათხოვარი

ავთანდილ პოპიაშვილი



ავტოკატასტროფაში მოყოლილმა ბოლო რამდენიმე თვე მძიმე ავადმყოფობაში გაატარა. მისმა გასაჭირმა ფეხზე დააყენა მთელი მხატვართა კავშირი, მისი შემოქმედების თაყვანისმცემლები, მისი მშობლიური რაიონის — დედოფლისწყაროს საზოგადოება და სანათესაო. ფეხვალა იცოდა,

რომ მის მკურნალობას გერმანიაში სოლიდური თანხა სჭირდებოდა. ჩვენმა გაზეთმა არაერთხელ გამოაქვეყნა ანგარიშის ნომერი თანხების მოსაზიდად, მაგრამ არაფერმა გამოიღო შედეგი. 68 წლის ასაკში გარდაიცვალა მხატვარი ავთანდილ პოპიაშვილი. იგი ერთ-ერთი თვალსაჩინო ფიგურა იყო მხატვართა კავშირში, რამდენიმე წელი მხატვართა კავშირის მდივნის თანამდებობაც ეკავა. იგი მრავალი პერსონალური გამოფენის ავტორია. ბოლო წლების განმავლობაში პედაგოგიური მოღვაწეობას სასულიერო სემინარია-აკადემიასთან არსებულ რესტავრაციის ფაკულტეტზე ეწეოდა. როგორც ადამიანი, უაღრესად განონასწორებული, პატიოსანი და ჰუმანური იყო. უწყვარდა თავისი მშობლიური

დედოფლისწყარო და არ უშვებდა ხელიდან შანსს, დასწრებოდა ყოფილ „ფიროსმანობას“ მირზაანში. ავთანდილ პოპიაშვილი ბრწყინვალე შვიდეულის ხუთშაბათის, 19 აპრილს საბურთალოს საზოგადო მოღვაწეთა პანთეონში დაკრძალეს. უმრავლეს ხალხმა მოიყარა თავი და საბოლოო გზაზე გააცილა კაცი, რომლის ხსოვნა მუდამ დარჩება ყველა იმ ადამიანის გულში, ვინც მას და მის შემოქმედებას იცნობდა. ჩვენც, ჩვენი რაიონის საზოგადოების სახელით, ვემშვიდობებით, ნათელში იყოს და დამკვიდროს მისმა სულმა, სადაც მართალნი განისავენებენ.

გაზეთი „შირაქი“
თანამშრომლები.

შვილები: ვალიკო, მზია; შვილიშვილები: ნუკა, დათო, მარინა; სიძე გოგი ჩაჩანიძე, რძალი ვერა ფილატოვა, ძმა გივი ლათიბაშვილი, და ვარდიკო, დისშვილები, ძმისშვილები, მახლისშვილები, მულიშვილები, შვილიშვილები ოჯახებით იუნყებიან
თინა მონაშვილის
გარდაცვალებას. დაკრძალვა შაბათს, 21 აპრილს, ქ. დედოფლისწყაროში, ჰერეთის ქ. №110.

კულტურის მუშაკთა პროფკავშირული ორგანიზაცია და ნიკო ფიროსმანაშვილის სახელმწიფო მუზეუმის თანამშრომლები თანაგრძნობას უცხადებს ლამარა უზუნაშვილს ბიძაშვილის
ოზარ უზუნაშვილის
გარდაცვალების გამო.

ბიძაშვილები: მანანა და დავით შანშიაშვილები ოჯახებით იუნყებიან
ივარი შანშიაშვილის
გარდაცვალებას და თანაგრძნობას უცხადებენ განსვენებულის ოჯახს.

დედოფლისწყაროს მუნიციპალიტეტის კულტურისა და სპორტის ცენტრის თანამშრომლები სამძიმარს უცხადებენ მათ კურტანიძეს ძმის
გიორგის
გარდაცვალების გამო.

თინეიჯერებმა კონკურსი გაიარეს

მსოფლიოს ორმოცდაათ ქვეყანაში ტარდება შესარჩევი კონკურსები პროექტი-სათვის „მის მსოფლიო თინეიჯერი“. მათ შორის არის საქართველოც. მესამე წელია, საქართველოში ამ პროექტის დირექტორი გახლავთ ეკა მგალობლიშვილი. საქართველოსთან ერთად გასულ წელს ის ზონალური პროექტის ხელმძღვანელად აირჩიეს და საქართველოს აზერბაიჯანი, სომხეთი, ყაზახეთი და თურქეთიც შემოუერთდა. საქართველოში შესარჩევი ტურები რეგიონების და მასში შემავალი მუნიციპალიტეტების ფარგლებში ტარდება. ანალოგიუ-

რი კონკურსი გასულ წელსაც ჩატარდა. ამიტომ ქალბატონმა ეკამ ერთგვარი ანგარიში ჩააბარა და თქვა, რომ გასულ წელს გვატემალაში გამართულ „მის მსოფლიო თინეიჯერში“ მონაწილეობდა საქართველოში გამარჯვებული ლტოლვილი გოგონა ნინო გველესიანი, რომელიც თბილისში ცხოვრობს. მან შეძლო, მოხვედრილიყო პირველ ათეულში, რაც, თავისთავად ცუდი შედეგი არ არის, თუმცა, ნინოს ინგლისური ენა რომ სცოდნოდა, არ არის გამორიცხული, პირველ სამეულშიც გასულიყო. ამიტომ, მე ვუგზავნი მესიჯს კონკურსის ყველა მონაწილეს – ისწავლონ

ინგლისური ენა, რომელიც წარმატების მისაღწევად აუცილებელი პირობააო. მან ექსკლუზიურად ისიც გაგვიმხილა, რომ „მის მსოფლიო თინეიჯერის“ ორგანიზატორებიდან მიიღო შეთავაზება, „მის მსოფლიო თინეიჯერი – 2013“ ჩატარდეს საქართველოში. შესარჩევი ტური კახეთში 4 აპრილს დაიწყო. დღეში ორ რაიონს მოიცავდნენ. 6 აპრილს კონკურსი სიღნაღსა და დედოფლისწყაროში გაიმართა.

კულტურის სახლში გამართულ კონკურსში ოცდაათორმეტმა დედოფლისწყაროელმა თინეიჯერმა მიიღო მონაწილეობა. ყველაზე უმცროსები 4 წლის მარიამ და ლადო შეითნიშვილები, ხოლო უფროსები 14 წლის მარიამ მენთემაშვილი და თათია ოგანეზოვა იყვნენ. თუმცა, კონკურსი 19 წლამდე ახალგაზრდებს ითვალისწინებდა.

უიურიმ, რომლის თავჯდომარეც ეკა მგალობლიშვილი, ხოლო წევრები მომღერლები ნინი შერმადინი და ქეთი ორჯონიკიძე, დიზაინერი ნანა

შველიძე და შორენა გიგინეიშვილი იყვნენ, კონკურსის მეორე ტურში 16 მონაწილე გადაიყვანა. მეორე ტური ქსანთის საგარეოში ჩატარდა, ხოლო ფინალი ქ.თბილისში გაიმართება. ფინალურ ტურს ცნობილი მოდელი კრისტი ყიფშიძე უთავმჯდომარეებს, რომელიც სამოდელი სააგენტო „კატრინის“ პედაგოგი გახლავთ. „მის მსოფლიო თინეიჯერი – 2012“ – 8 აგვისტოს მექსიკაში გაიმართება. მას ნინი შერმადინი და ქეთი ორჯონიკიძე გახსნიან და დახურავენ. ნინი და ქეთიმ დედოფლისწყაროს კონკურსიც გააღებენ, საინტერესო და ხალისიანი გახადეს, თავისი სიმღერებით მაყურებლის ოვაცია დაიმსახურეს, ამღერეს და ააცეკვეს დარბაზი, შემდეგ კი დააკმაყოფილეს ახალგაზრდების თხოვნა და ავტოგრაფები უსახსოვრეს.

პროექტის დირექტორმა ეკა მგალობლიშვილმა მადლობა გადაუხადა კახეთის გუბერნატორს გიორგი ღვინიაშვილს, მუნიციპალიტეტის საკრებუ-



ლოს თავჯდომარეს ლევან ბალაშვილს, გამგებელს ნიკოლოზ შანშიაშვილს, კულტურისა და სპორტის სამსახურის თანამშრომლებს და დირექტორს ივანე შანშიაშვილს განეული დახმარებისათვის. კონკურსს ესწრებოდა გამგეობის კულტურის, სპორტის და ახალგაზრდულ საქმეთა სამსახურის უფროსი გიორგი ყოჩიაშვილი.

ნაირა გორაშვილი



სპორტი

კავკასიის პირველობა ხელჩართულ ბრძოლაში

1 აპრილს ქალაქ თბილისში ჩატარდა კავკასიის პირველობა ხელჩართულ ბრძოლაში, სადაც მონაწილეობას იღებდნენ საქართველოს, აზერბაიჯანის, სომხეთის და დაღესტნის სპორტული კლუბები. ჩვენი რაიონიდან შეჯიბრში იასპარეზა ზემო მანხაანის ნაკრებმა, მწვრთნელის გენადი ნატროშვილის ხელმძღვანელობით, რომლის სპორტსმენები ხელჩართული ბრძოლიდან გამარჯვებით დაბრუნდნენ. პირველი ადგილი მოიპოვა გიორგი ნატროშვილმა, რომელიც 42 კგ. წონით კატეგორიაში ასპარეზობდა.

პირველი ადგილი არავის დაუთმო 35 წონით კატეგორიაში სანდრო ნატროშვილმა. მესამე ადგილი კი 28 კგ. წონით კატეგორიაში სოსო ნატროშვილმა მოიპოვა.

შეჯიბრის დასასრულს გაიმართა აბსოლუტური პირველობა, სადაც 49 კგ. წონით კატეგორიაში გამარჯვებულთან უნდა ებრძოლა შემხვედრს, რომელთანაც ასპარეზობას ვერცერთი მოთამაშე ვერ ბედავდა, ბოლოს მას ზემო მანხაანელი გიორგი ნატროშვილი შეეჭიდა, რომელიც 42 კგ-ში ასპარეზობდა, გიორგიმ თავისზე 7 კილოგრამით მეტი წონის სპორტსმენს აჯობა და აბსოლუტური პირველობით დაამარცხა. ისე, რომ გიორგი შეჯიბრიდან ორი ოქროს მედლით ხელდამშვენებული დაბრუნდა.

ლალი მისრიშვილი



ეპროპის პირველობა საგზოში

რუმინეთის ქალაქ ბუქარესტში ჩატარდა ეპროპის პირველობა ჭიდაობა საგზოში ახალგაზრდებს შორის, სადაც მონაწილეობა მიიღო სოფელ არბოშიკის მკვიდრმა ლევან კირკიტაშვილმა, მან ფინალამდე დაამარცხა: ლატვიის, რუმინეთის, აზერბაიჯანის, უკრაინის ძიუდოსტები. ფინალში მისი მეტოქე იყო რუსეთის წარმომადგენელი, მსაჯების გადაწყვეტილებით ჩემპიონი გახდა რუსეთის წარმომადგენელი, ხოლო 65 კგ-ში ვერცხლის მედალი მოიპოვა ლევან კირკიტაშვილმა. ის ემზადება მსოფლიოს პირველობისთვის, საიდანაც ოქროს მედლით დაბრუნებას გეგმავს. მისი მწვრთნელი გახლავთ სა-

ქართველოს სპორტის დამსახურებული მუშაკი ვაჟა მოსულიშვილი.

ძიუდო

ქალაქ თბილისში ჩატარდა რესპუბლიკური ტურნირი ჭიდაობა ძიუდოში 1997—98 წლებში და 1999-2000 წლებში დაბადებულთა შორის, 1997-98 წლებში დაბადებულთა შორის 42 კგ. წონით კატეგორიაში ჩემპიონი გახდა ვაჟა ბუბუნაური. 50 კგ. წონით კატეგორიაში მესამე ადგილი აიღო ბექა გაგაძემ. 1999-2000 წლებში დაბადებულთა შორის 38 კგ-ში ჩემპიონი გახდა ნიკა კობაიძე, 34 კგ-ში კი მეორე ადგილზე გავიდა გიორგი თინაშვილი.

ქალაქ გურჯაანში ჩატარდა რესპუბლიკური პირველობა ძიუდოში ჭაბუკეთა შორის. ჩემპიონები გახდნენ 33კგ. წონით კატეგორიაში გიორგი თინაშვილი და 38 კგ. წონით კატეგორიაში ვაჟა ბუბუნაური. მეორე პრიზიორი გახდა 42 კგ წონით კატეგორიაში ლაშა ბექაური. მესამე ადგილზე გავიდა 38 კგ. წონით კატეგორიაში ნიკა კობაიძე. მწვრთნელი გახლავთ კახა ნიკლაური.

თინაშვილი გურჯაანში ჩატარდა რესპუბლიკური პირველობა ძიუდოში ჭაბუკეთა შორის. ჩემპიონები გახდნენ 33კგ. წონით კატეგორიაში გიორგი თინაშვილი და 38 კგ. წონით კატეგორიაში ვაჟა ბუბუნაური. მეორე პრიზიორი გახდა 42 კგ წონით კატეგორიაში ლაშა ბექაური. მესამე ადგილზე გავიდა 38 კგ. წონით კატეგორიაში ნიკა კობაიძე. მწვრთნელი გახლავთ კახა ნიკლაური.

იყიდება

იყიდება ბინა ბელეტაჟზე დედოფლისწყაროში, 9 ძმის მესამე შესახვევი, № 7 (რესურსცენტრთან ახლოს), კეთილმოწყობილი, დიდი ეზოთი და სათავსოებით, ავტოფარეხით.

ტელეფონი: 568 83 97 68



ამინდი

დედოფლისწყარო

პარასკევი 20.04	შაბათი 21.04	კვირა 22.04	ორშაბათი 23.04	სამშაბათი 24.04	ოთხშაბათი 25.04	ხუთშაბათი 26.04	
დღე	ღამე	დღე	ღამე	დღე	ღამე	დღე	ღამე
19°	9°	17°	11°	20°	13°	15°	12°
12°	11°	14°	11°	16°	13°		

გამომცემელი შპს „შირაქი“ დირექტორი ინგა შიოლაშვილი რედაქტორი ნაირა გორაშვილი-პოპიაშვილი წერილობითი მუშაობა ფაქტებსა და ციფრებს აკრებს ავტორო.	სარედაქციო კოლეგია: ლალი მისრიშვილი, ილია მარტყოფლიშვილი (კორექსორები); მინაილ მღვრიშვილი (სტილისტი-მეწევერი); ნათელა შოსტაშვილი (ბუღალტერი); ნინო ჯანაშვილი (ოფის-მეწევერი); მზინა ქანჭავაძე (დისტრიბუტორი); ზურაბ ბუნაშვილი (კომპიუტერული უზრუნველყოფა). გაზეთი აიწყო და დაკაბადლდა „შირაქის“ კომპიუტერულ ბაზაზე. დაბეჭდა შპს „საარის“ სტამბაში	რედაქციის მისამართი: ქ. დედოფლისწყარო, ფრონის №18, ტელ. 8 356 22 55-49; 598 72-18-72 (დირექტორი) 599 25-17-44 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
---	--	---	---